

Koj puas tau npaj txhij rau kev puas tsuaj?

Cov xwm txheej huab cua tsis zoo tuaj yeem tshwm sim txhua lub sij hawm ntawm lub xyoo hauv Queensland thiab tuaj yeem cuam tshuam rau koj thiab koj tsev neeg thiab tsim kev puas tsuaj rau vaj tse tau. Cov xwm txheej no yuav suav nrog cua daj cua dub loj, dej nyab, cua daj cua dub, av qeeg los sis hluav taws kub hav zoov.

Peb tsis tuaj yeem tswj tau huab cua, tab sis peb tuaj yeem npaj kom txhij tau.

Ua ntej muaj kev puas tsuaj, kuaj xyuas tias koj muaj:

- ✓ txoj phiaj xwm rau xwm txheej ceev rau koj thiab koj tsev neeg, suav nrog txoj phiaj xwm rau koj cov tsiaj tu
- ✓ ib daim ntawv teev npe cov neeg tiv tauj rau thaum muaj xwm txheej ceev
- ✓ kev tuav pov hwm tam sim no
- ✓ tim cov khoom siv xwm txheej ceev.

Yog xav paub ntau ntxiv thiab cov tswv yim qhia txog kev npaj rau kev puas tsuaj, mus saib www.getready.qld.gov.au

Yuav thov kev pab qhov twg tom qab muaj kev puas tsuaj

Tsoom fww thiab cov koom haum uas tsis xav tau txiaj ntsig rov qab tuaj yeem muab kev txhawb nqa txog kev xav thiab kev coj ua rau cov neeg uas tau txais kev cuam tshuam los ntawm kev puas tsuaj.

Kev txhawb nqa thiab kev sab laj rau tus kheej

Nws yog qhov uas keev pom uas yuav muaj ntau yam kev xav tom qab muaj kev puas tsuaj. Muaj kev txhawb nqa tus kheej thiab kev coj ua yog tias koj tab tom ntsib rteeb meem fab kev xav los sis muaj teeb meem los daws.

Nrhiav kev pab yog tias koj, ib tus neeg hauv tsev neeg los sis phooj ywg:

- ntsib kev ntxhov siab fab kev xav los sis kev nyuaj siab
- hnov tau tias nkees, chim siab los sis saib pom qhov kev hloov pauv hauv koj txoj kev xav noj los sis kev pw tsaug zog
- saib pom kev hloov pauv kev coj tus cwj pwm xws li kev siv dej cawv los sis lwm yam tshuaj ntau ntxiv los sis thim tawm ntawm lwm tus
- tsuas yog xav tau ib tus neeg los tham nrog.

Kev txhawb nqa rau tus kheej thiab cov neeg tiv tauj kev sab laj

- Lifeline Australia (kev sab laj) – **13 11 14**
- Australian Red Cross – **1800 733 111**
- St. Vincent de Paul – **13 18 12**
- Queensland Health – **13 HEALTH (13 43 25 84)**
- Kev Pab Cuam Fab Vaj Tse – **13 QGOV (13 74 68)**
- Kev Pab Cuam Xwm Txheej Ceev Ntawm Xeev (State Emergency Service, SES) – **13 25 00**
- Tus Xov Tooj Muab Kev Pab Kho Kom Lub Zej Zog Zoo Rov Qab Los (Community Recovery Hotline) – **1800 173 349**

Yog xav nrhiav cov kev tiv tauj rau cov kev pab cuam txhawb nqa lub zej zog hauv zos thiab feem dav uas muaj nyob hauv koj cheeb tsam, mus saib hauv www.qld.gov.au/disasterhelp thiab nrhiav 'kev txhawb nqa zej zog hauv cheeb tsam'.

Kev Kho Lub Zej Zog Kom Zoo Rov Qab Los

Kev pab cuam fab nyiaj txiag

Tej zaum yuav muaj kev pab cuam fab nyiaj txiag thiab kev pab cuam txhawb nqa yog tias koj tau txais kev cuam tshuam los ntawm kev puas tsuaj.

Kev pab uas tau muab los ntawm Kev Tswj Hwm Nyiaj Pab Kho Kom Zoo Rov Qab Los Ntawm Kev Puas Tsuaj Ntawm Cov Teb Chaws Ywj Pheej-Xeev (Commonwealth-State Disaster Recovery Funding Arrangements, DRFA) uas tau txais nyiaj pab ua ke.

Cov Nyiaj Pab*

- ✓ **Kev Pab Cuam Rau Kev Txom Nyem Xwm Txheej Ceev** – rau cov neeg nyob hauv thaj chaw muaj kev puas tsuaj loj los pab cov kev xav tau kiag tam sim ntawd thiab maj rawm xws li khoom noj, khaub ncaws, thiab tshuaj.
- ✓ **Kev Pab Cuam Cov Khoom Hauv Yim Neeg Uas Tseem Ceeb** – los pab cov neeg hauv thaj chaw muaj kev puas tsuaj loj uas tsis muaj kev tuav pov hwm los sis tsis muaj peev xwm thov kev tuav pov hwm los hloov cov khoom tseem ceeb hauv yim neeg.
- ✓ **Nyiaj Pab Cuam Kev Nyab Xeeb thiab Kev Sib Txuas Cov Kev Pab Cuam Uas Tseem Ceeb** – rau cov neeg hauv thaj chaw muaj kev puas tsuaj los pab rov txuas cov kev pab cuam uas tseem ceeb xws li hluav taws xob, roj nkev, dej, dej pov tseg los sis lub npauv kho cov dej pov tseg.
- ✓ **Nyiaj Pab Cuam Rau Fab Kev Txom Nyem Ntawm Cov Kev Pab Cuam Uas Tseem Ceeb** – txhawb nqa cov neeg uas tau txais kev cuam tshuam ncaj qha los ntawm kev puas tsuaj txhawm rau kom tau raws li cov kev xav tau kiag tam sim ntawd thaum cov kev pab cuam tseem ceeb ib los sis ntau qhov poob rau ntau tshaj tsib hnuv.
- ✓ **Nyiaj Pab Cuam Rau Kev Tsim Tsa** – rau cov neeg nyob hauv thaj chaw muaj kev puas tsuaj loj los pab kho lawv lub tsev thiab ua rau lawv muaj kev nyab xeeb thiab nyob tau nyab xeeb.

*Siv cov txheej txheem tsim nyog

Yog xav paub seb cov nyiaj pab twg muaj nyob hauv koj cheeb tsam thiab kuaj xyuas koj qhov kev muaj cai, mus saib www.qld.gov.au/disasterhelp

Yog xav paub ntau ntxiv

Tsoom Fwv Queensland muaj kev pab cuam neeg txhais lus los muab cov ntaub ntawv hais txog kev puas tsuaj, nyiaj pab los sis kev txhawb nqa ua koj hom lus.

Hu rau **1800 512 451** thiab nug tus neeg txhais lus ua hom lus uas koj xav tau los sis hu rau Tus Xov Tooj Pab Kev Kho Kom Lub Zej Zog Zoo Rov Los ntawm **1800 173 349**.

